

REFERAT MIA - Udvalg for Børn og Familie d. 27-10-2022

Mødedato Torsdag d. 27. oktober 2022 kl. 18:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa..... 3

Oqaluuserisassat akuerineqarnerat..... 4

Nalunaarutit..... 5

Kisitsisit pingaarnert - Meeqqanut Ilaqutariinnullu Ingerlatsivik..... 6

Nalunaarutiginnissutitut periuseq..... 9

2023-mi politikikkut ataatsimiiffissat..... 12

Taasariaqartut allat..... 14

Imaqarniliap akuerineqarnera..... 15

Punkt .: Saqqaa

Ilaasortat:

Naya-Sophia Lyberth (IA) Siullittaasoq
Mia Skifte Lynge (IA) Siulittaasup tullia
Harald Bianco (IA)
Charlotte Ludvigsen (IA)
Laura Táunâjik Uitsatikitseq (S)

Beslutning

Ataatsimeeqataasut:

Mia Skifte Lynge (IA)

Lone Roesengreen Pedersen (IA) Naya Sophia Pedersen Lyberth-imut sinniisuuvoq (IA)

Attaveqaatitigut peqataavoq:

Laura Taunâjik Uitsatikitseq (S)

Charlotte Ludvigsen (IA)

Ataatsimeeqataasinnaanatik nalunaartut:

Naya Sophia Pedersen Lyberth (IA)

Harald Bianco (IA)

Punkt .: Oqaluuserisassat akuerineqarnerat

Beslutning

Oqaluuserisassat akuersissutigineqarpoq

Punkt .: Nalunaarutit

Beslutning

1. Nunatsinni meeqqat illui. Suliaq kissaatigisamit ersarinnanilu paasiuminaatsinneqarsimasoq. Illutassaanut tunngasut ersarissarneqarsimannngillat, taakkununnгалu akisussaaffik aningaasartaalu. Kisianni maannakkut suliap ingerlanissaanut pilersaarusiortoqassaaq, suliasartai kikkullu akisussaasuunersut pillugit. Suliap ingerlanissaanik pilersaarut taanna tullianik aqutsisoqatigiit ataatsimiinnissaanni suliarineqassaaq.
2. Paamiuni suliniutit pillugit isumaqatigiissusiortoqarsimavoq, oktobarip naanerani aallartittussanik novembarip qiteqqunnerata tungaanut ingerlanneqartussanik. Martha Paamiuliarnissaminik pilersaaruteqarpoq piffissami 29. okt. – 2. nov.
3. Ataatsimiititap kingullermik ataatsimiinneranut Laurallu siunnersuutaanut tunngatillugu. Kuummiini ornittakkap ineriartortinneqarnissaanut immaqaa sulissutiginnittoqarsinnaavoq. Taanna misissorneqassaaq.
4. Ataatsimut isigalugu Tasiilami ingerlalluortoqarpoq. Atorfinitsitsinerit atorfinitsitsigallarnerrillu. Sullissisut angalasartut marluk, sullissisoq ataaseq qaammatit pingasukkaarlugit sulisartussaq. Fagcheftut atorfeqarallartoq 30.11.23-p tungaanut.
5. Suleqatigiissitaliortoqarnikuuvoq, Tasiilamut sulisussarsortarneq pillugu qulaajaasussanik (sulisut immikkut atugassaqartitaasut). Marie Fleischer suliamut tassunga ataqatigiissaarisuuvoq.

Punkt 1: Kisitsisit pingaarnert - Meeqqanut Ilaqutariinnullu Ingerlatsivik

Beslutning

Ilisimatitsissut tusaatissatut tiguneqarpoq.

Bilag

Piffissami januaarimiit septembarimut 2022 kisitsisit pingaarnert

Kisitsisit pingaarnert - Meeqqanut Ilaqutariinnullu Ingerlatsivik

Ilisimatitsissut

SagsID: EMN-2020-29028

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat

inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmut kisitsisit pingaarnert ilanngussami ersersinneqarput. Kisitsisit pingaarnert Meeqqanut Ilaqutariinnullu Ingerlatsiviup oqartussaaffeqarfimmi sammisai pillugit tamakkiisumik paasisaqarnermik pilersitsiniarsaripput. Taamaallilluni meeqqat inuusuttullu inissinneqarsimasut amerlassusaat, kiisalu Ingerlatsiviup suliai ingerlasut aamma nalunaarutiginninnerit tiguneqartartut takussutissiami ilanngussami allassimapput

Tabel 1 aamma 2-mi meeqqat inissinneqarsimasut amerlassusaasa kisitsisai takutinneqarput, aamma 2022-mi kvartalini pingasuni siullerni meeqqat qassit ulloq unnuarlu paaqqinnittarfinnut aamma ilaqutariinnut paarsisartunut inissinneqarsimanersut nalunaarneqarsimallutik. Ilaqutariinnut paarsisartunut pinartumik inissiinerit 2021-mit 2022-mut amerleriarsimapput. Kisitsisit taakku tamatigut nikerassapput, kisianni 2021-mi agguaqatigiissillugu meeqqat 1,25-t qaammammut ataatsimut pinartumik inissinneqartut paaqqutarineqarsimapput, 2022-milu qaammatini tallimani siullerni meeqqat 40,8-t qaammatit tamaasa pinartumik paaqqutarineqarsimallutik. Pinartumik inissiinerit pillugit kisitsisit pissarsiariuminaammata, immersorneqartussaq taanna siunissami kisitsisinit peerneqassaaq.

Tabel 3 -mi kommunimi angajoqqaarsiaasut amerlassusiannik takutitsivoq. 2021-p ingerlanerani kisitsisit allanngorarpallaarsimangillat, tamannalumi aamma 2022-mut atuuppoq.

Tabel 4, 5 aamma 6 massakkut suliarineqartut amerlassusaannik takutitsipput. Taamaattorli oqaatigineqassaaq, suliniuteqarluni suliat ingerlasut, siunnersuineramik suliat aamma isumaginninnikkut misissuinerit kisitsisaat tassaammata ullormi aalajangersimasumi suliat ingerlasut kisitsisaat. Suliat ingerlasut ullormit ullormut allanngorarsinnaasarput. Kisitsisit taaamalillutik ulloq taannarpiaq systemimit paasissutissat aaneqarfianni pisut pisimasunik takutitsipput.

Taakku suliat suliniuteqarfigineqartut sulianut suliniuteqarfinnut, siunnersuineramik sulianut aamma isumaginninnikkut misissuinerit agguataarneqarsimapput. Suliat suliniuteqarfiusut aamma siunnersuineramik suliat 2021-mit 2022-mut amerleriarsimapput, tamannalu nalunaarutiginninnerit amerlassusaata qaffariarsimaneranut naapertuuppoq (takuuk immikkoortoq tabel 7 pillugu takussutissaq). Ukiap ingerlanerani misissuineramik suliat amerlassusaat februarip qaammataani 323-p missaanut qaffariarsimapput. Sakkortusisamik suliniuteqarnikkut, ilaatigut "suleqatigiinnik" misissuinerit sulianik suliaqartussanik pilersitsinikkut, suliat taakku amerlassusaat juuni 2022-mi 286-inik amerlassuseqalerlutik ikileriarsimapput, septembarimilu 269-it missaanniillutik.

Tabel 7-imi nalunaarutiginninnerit amerlassusaat takuneqarsinnaapput. Ukiuni kingullerni nalunaarutigineqartartut amerleriarujussuarsimapput, 2020-mi nalunaarutigineqartut 2061-iniit, 2022-mi qaammatini qulingiluani siullerni 2190-inut amerlisimammata. Qulaani oqaatigineqartut, tamatuma kingunerisaanik suliniuteqarfigineqartut, pinartumik angajoqqaarsianut inissiinerit, aammalu siunnersorneqarnissamik suliat amerlisimapput.



Tabel 8 Nuummi Ornittakkamiittartut ataatsimut isigalugit takussutissat. 2022-mi kvartalimi siullermi katillugit 704 takkuttarput 49-llu unnuisarlutik. Ornittakkami aqutsisut nalunaarput annertunerusumik meeqqat taakkuunerusut ornittarfimmut takkuttartut. Oqaatigineqarpoq meeqqat 60 procentiisa ulluinnarni nal. 16.00-08.00 neqeroorutigineqartut atortaraat, aammalu 28 procentit sap. akunnerisa naanerini nalliuttunilu piffissami tassani neqeroorutit atortaraat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Lovgrundlag og rammesættende dokumenter

- Meeqqat tapersersorneqarnissaannut Inatsisartut inatsisaat nr. 20, 26 Juni 2017-imeersoq

Ilanngussat

1. Piffissami januaarimiit septembarimut 2022 kisitsisit pingaarnerit

Punkt 2: Nalunaarutiginnissutitut periuseq

Beslutning

Ilisimatitsissut tusaatissatut tiguneqarpoq, ima ilassuteqaatitalerlugu: suliaq Aningaasaqarnermut Inuussutissarsiornermullu ataatsimiititaliamut aammalu kommunalbestyrelsimut ilisimatitsissutitut ingerlateqqinneqassasoq.

Bilag

nalunaarutiginnissutip ingerlasarnera



Nalunaarutiginnissutitut periuseq

Meeqqanut Ilaqutariinnullu Ingerlatsivimmi nalunaarutiginnissutitut suliaqarnermut periuseq atuuttoq

Ilisimatitsissut

SagsID: EMN-2020-29028

Meeqqanut Ilaqutariinnullu Ingerlatsivik - Pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat

inassuteqaatigaa

- nalunaarutiginnissutitut periuseq tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmit ataatsimut tunngaviusumik nalunaarutiginnissutitut tigusaqarnermi nalunaarutiginnissutitut suliaqarnermi periusissaq qulakkeerumallugu matumuuna saqqummiunneqarpoq. Ilanngussaq 1-mi allaaserisamat ikorfartuutaavoq, tassani periusissaq takuneqarsinnaalluni.

Innuttaasut pisortanilu oqartussat, meeraq pillugu ernummateqartoqarpat Meeqqanut Ilaqutariinnullu Ingerlatsivimmut nalunaarutiginnissinnaapput. Oqarasuaatikkut, nammineq takkunnikkut allakkatigulluunniit tamanna pisinnaavoq. Qarasaasiakkut allakkanik nakkartitsivik ullup unnuallu ingerlanerani minnerpaamik ataasarlugu imaarneqartarpoq - aamma sapaatini nalliuttunilu.

Nalunaarutiginnissummik tigusaqarnermi nassiussisumut, nalunaarutiginnissutitut tiguneranut uppersaat nassiunneqassaaq. Meeraq illersorniarlugu, nassiussisoq meeraq pillugu sulianik pisinnaatitaanngilaq, aallaaviatummi nassiussisoq meeqqamut tunngasuni illuatungiliuttuunngilaq. Nalinginnaasumik inunnik isumaginninnermi pigaartuusup nalunaarutiginnissutitut suliffiusussap avataatigut tiguneqartut suliarisarpai.

Nalunaarutiginnissutitut tigunerani pigaartuusooq akunnerit 24-t iluanni makku pillugit aalajangiissaaq:

1. Meeraq pillugu nalunaarutiginnissutaappat, angajoqqaatullu oqartussaasoq kommunimi allami najugaqarpat, nalunaarutiginnissut tassunga ingerlateqqinneqassaaq.

2. Kommuneqarfik Sermersooq meeqqamut iliuuseqartuuppat, suliamik suliarinnittup nalunaarutiginnissut suliatigut nalilersussavaa. Suliaq meeqqamut tunngasoq ammasuuppat, nalunaarutiginnissut meeqqap sag-ianut ilineqassaaq, suliamillu suliarinnittoq ilisimatinneqarluni. Suliamik meeqqamut tunngasumik soqanngippat, nalilersorneqassaaq:

2a. Ilaqutariit kaammattorlugit siunnersuutitut ilitsersuutitut oqaloqatigineqartassanersut.

2b. Inunnik isumaginninnermi suliatigut misissuineq aallartinneqassaaq, itisiliinerusumik, meeqqap pissusilersuutaanik peqqissusianik, ilaqutariinnut tunngasumik aamma inissisimanerannik, atuarfimmut tunngasunik ilaalu ilanngullugit nalilersuisoqarluni. Tamakku tunngavigalugit meeqqamut pilersaarut ineriartortinneqassaaq, iliuusissatut innersuutigineqarluni. 2a. aamma 2b. naapertorlugit angajoqqaat meerarluk qanoq ingerlariaqqittoqarnissaa pillugu oqaloqatiginissaannut qaaqquneqassapput.



2c. Iliuseqartoqassanngippat, suliaq matuneqassaaq. Nalunaarutiginnissut meeqqap innuttaasutut mappianiitineqassaaq takuneqarsinnaasoq.

3. Nalunaarutiginnissutit nakuusernermut, paarsinerlunnermut, innarliinerit meeqqamulluunniit sioorasaarinerit pineqarpata, inunnik isumaginninnermi misissuinerit ikiorsiigallarnertu ingerlaannaq aallartinneqassapput imaluunniit akunnerit 24-t iluanni aallartinneqarlutik. Taama pisoqartillugu pisoq politiinut nalunaarutigineqassaaq, pinartumillu iliuuseqarneq aallartinneqarluni. Inunnik isumaginninnermi misissuineq ingerlanneqassaaq *peqatigitillugu* iliuusissaq aallartinneqarluni.

Aallaaviatigut ingerlatsiviup iliuuserisinnaasai aallartinneqassapput, nalunaarutiginnissutit taama ittu tunngavigalugit. Tassani pineqanngitsut tassatuaapput peqqissaasoq aamma juumooq taakkua lvaq-mi Siusissukut Iliuseqarnermut angajoqqaanik *innersuussisinnaapput*. Taama pisoqaraangat ingerlatsivik ilisimatinneqartarpoq, qulaani nalunaarutiginnissummik periuseq atorlugu iliuuserisassanik allanik ingerlatsivik nalilersuisinnaaqullugu.

Sulap ingerlaneranut tunngatillugu iliuusissamik aallartitsinnermi aallarniutitut ataatsimiigiaqqusisoqassaaq, iliuusissallu aallartinneqarneranit killiffik pillugu qaammatit pingasukkaarlugit ataatsimiittoqartassaaq. Taakku saniatigut ilaqutaasut suliatigullu attaveqatigiit akuutillugit ataatsimiittoqartarsinnaavoq. Taassuma saniatigut ingerlatsivik suleqatigiiaanik ataatsimiisitsisarpoq. Tassani angajoqqaat, atuarfimmit aamma suliamik suliarinnittoq ataatsimiissapput, meeraq pillugu nalunaarutiginnissummik nalunaarsuisoqareernerani.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaattillit
Meeqqanut ikiorsiisarneq pillugu Inatsisartut inatsisaat nr 20, 26 juni 2017-imeersoq.
Pisortat ingerlatsineranni suliaasat suliarineqartarnerat pillugu Inatsisartut inatsisaat nr. 8, 13. juni 1994-imeersoq

Ilanngussat

1. nalunaarutiginnissutip ingerlasarnera

Punkt 3: 2023-mi politikkikkut ataatsimiiffissat

Beslutning

Inassuteqaat akuersissutigineqarpoq.

Bilag

2023-mi politikkikkut ataatsimiiffissatut siunnersuutit

2023-mi politikkikkut ataatsimiiffissat

Aalajangiiffisassaaq

SagsID: EMN-2022-08329

Suliffeqarfimmut Kiffartuussivik – kommunaldirektøri Ole Jacobsen / OJAK

Inassuteqaat

Suliffeqarfimmut Kiffartuussiviup Meeqqanut Ilaqutariinnullu Ataatsimiititami inassuteqaatiga:

- ataatsimiititap 2023-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquummik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarlunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Aningaasaqarnermut Inuussutissarsionermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai".

Meeqqanut Ilaqutariinnullu Ataatsimiititap sisamanngornikkut nal. 14.00. ataatsimiittarnissaa siunnersuutigineqarpoq. 2023-mi ileqquummik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikkikkut ataatsimiiffissat Naalakkersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununga aningaasaliissutigineqartuni aalajangersakkat malillugit ingerlanneqassapput, taakkununga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimnulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaattallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2023-mi politikkikkut ataatsimiiffissatut siunnersuutit

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:17